

In per notizias part. ils zenns da Rueras

Ils 28 da matg 1928 ein ils zenns vegni consecrai e tratg sin clutger.

Zenn grond

El peisa 979 kg e ha il tun f. El ei decoraus cul maletg da s. Giachen e porta l'inscripziun: "Da stempraus, lavinas, bovas, fiug nus pertgira tras tiu sogn riug".

Secund zenn

Peisa: 705 kg. Tun g. Maletg dil ss. Cor da Jesus.  
Inscripziun: "En cruschs, contrasts, en tut plirar, vegni tier mei, jeu vi gidar".

Tierz zenn

Peisa: 412 kg. Tun b. Maletg da s. Giusep.  
Inscripziun: "Protegia cheu sin tiara nosa sort e gida nus tier ina buna mort".

Zenn pign

Peisa: 208 kg. Tun d. Maletg da s. Antoni.  
Inscripziun: "Sogn Antoni de Padua, roga per nus".

Zenn da batten

Culaus igl cun 1491. El ei dedicaus a Nossadonna.

Las inscripziuns sin ils zenns ein da P. Baseli Berther.

Ils zenns ein en bia graus nos cumpogns da viadi, naven dalla tgina tochen alla fossa. Els annunzian nies di da batten e nies di da mort, dis da fiasta e dis da malencurada. Els annunzian a nus il nescher, pitir e murir e levar da mort en veta da Niessegner. <sup>Els dian aschia continuadamein</sup> ~~e nianxkeuocra~~ a nus cun lur vuschs da bronz che nus seigien spindrai. Per tgi che ha ureglia persuerter vulan els era dir da viver sco spindrai.

Martin Bearth